

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 K 016517 22 K

Novi Travnik, 30.04.2024. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Vesna Vujica predsjednica vijeća, Darmin Avdić i Lazarela Porić, članovi vijeća, uz sudjelovanje Slađane Dujo kao zapisničara, u kaznenom predmetu protiv optuženog J. I., zbog kaznenog djela Neovlaštena proizvodnja i stavljanje u promet opojnih droga iz članka 238. stavak 2. Kaznenog zakona Federacije Bosne i Hercegovine u sticaju sa kaznenim djelom Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine, a sve u vezi sa člankom 31. i 54. Kaznenog zakona Federacije Bosne i Hercegovine, optuženog A. A. zbog kaznenog djela Neovlaštena proizvodnja i stavljanje u promet opojnih droga iz članka 238. stavak 2. Kaznenog zakona Federacije Bosne i Hercegovine u sticaju sa kaznenim djelom Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine, a sve u vezi sa člankom 31., 54. i 55. Kaznenog zakona Federacije Bosne i Hercegovine, optuženog O. Đ., A. Z. i T. B. zbog kaznenog djela Neovlaštena proizvodnja i stavljanje u promet opojnih droga iz članka 238. stavak 2. Kaznenog zakona Federacije Bosne i Hercegovine u sticaju sa kaznenim djelom Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine, a sve u vezi sa člankom 31. i 54. Kaznenog zakona Federacije Bosne i Hercegovine i optuženog J. H. zbog kaznenog djela Neovlaštena proizvodnja i stavljanje u promet opojnih droga iz članka 238. stavak 2. Kaznenog zakona Federacije Bosne i Hercegovine u sticaju sa kaznenim djelom Neovlaštena proizvodnja i stavljanje u promet opojnih droga članka 238. stavak 1. i sa kaznenim djelom Nedoovoljeno držanje oružja i eksplozivnih materija iz članka 371. stavak 1., a sve u vezi sa člankom 31. i 54. Kaznenog zakona Federacije Bosne i Hercegovine, po optužnici kantonalne tužiteljice Kantonalnog tužiteljstva Travnik broj: T06 0 KTOV 0029211 21 od 04.04.2022. godine nakon održanog glavnog pretresa u nazočnosti optuženog J. I. i njegove braniteljice Branke Praljak advokata iz Novog Travnika, optuženog A. A. i braniteljica Maide Grizović i Emire Alić, advokata iz Zenice, optuženog O. Đ. i njegovog branitelja Ajdina Zlotrg advokata iz Travnika, optuženog A. Z. i njegove braniteljice Senije Kerić advokata iz Travnika, optuženog T. B. i njegovog branitelja Denisa Ajkić advokata iz Zenice i optuženog J. H. i njegovog branitelja Bekira Ferizović advokata iz Travnika, po obavljenom vijećanju i glasanju, donio je dana 30.04.2024. godine u nazočnosti optuženih A. A. i T. B., braniteljice optuženog J. I., Branke Praljak advokata iz Novog Travnika, branitelja optuženog O. Đ., advokata Ajdina Zlotrg iz Travnika i branitelja optuženog T. B., advokata Denisa Ajkić iz Zenice, a u odsustvu uredno obaviještene kantonalne tužiteljice, optuženih J. I., A. Z., O. Đ., J. H., te branitelja optuženih Emire Alić, advokata iz Zenice, Senije Kerić advokata iz Travnika i Bekira Ferizović advokata iz Travnika, a predsjednica vijeća javno objavila slijedeću:

PRESUDU

I

Optuženi

A. A., sin V. i majke S.,dj. H., rođen ... u Zenici, nastanjen na adresi ... bb, općina B., pismen, završena SSS- vozač motornih vozila, oženjen, otac jednog djeteta, srednjeg imovnog stanja, nije služio vojsku, ne vodi se u vojnoj evidenciji, nema čin, nije odlikovan, Bošnjak, državljanin BiH, JMBG: ..., osuđivan,

O. Đ. zv.“P.P.“ sin M. i majke E. rođ. V., rođen ... u Zenici, nastanjen na adresi ... Z., privremeni boravak u ... S. V., općina V., pismen, završio osnovnu školu , neoženjen, nema djece, služio vojsku u B. ...vodi se u vojnoj evidenciji u Uredu za odbranu Zenica, nije odlikovan, srednjeg imovnog stanja, po nacionalnosti Bošnjak, državljanin BiH JMBG:..., osuđivan,

A. Z., zv.“Z“, sin H. i majke R. djev. Š., rođen ... u Travniku, nastanjen na adresi S. bb, općina B., pismen, završio SSS, po zanimanju vozač, oženjen , otac 1 djeteta, lošeg imovnog stanja, ne vodi se u vojnoj evidenciji, Bošnjak, državljanin BiH, JMBG: ..., neosuđivan,

T. B., zv.“Ž“, sin R. i majke M. djev. A., rođen ... u Travniku, prijavljen na adresi G. G., T. ..,općina Z., pismen, završio srednju tehničku školu, po zanimanju tehničar cestovnog prometa, neoženjen, srednjeg imovnog stanja, ne vodi se u vojnoj evidenciji, Bošnjak, državljanin BiH, JMBG: ..., neosuđivan,

J. H., sin S. i majke E. djev. N., rođen ... u Travniku, nastanjen u mjestu K. br...., općina V., pismen, završio SSS-vozač motornih vozila, po zanimanju vozač, neoženjen, lošeg imovnog stanja, ne vodi se u vojnoj evidenciji, Bošnjak, državljanin BiH, JMBG: ... , neosuđivan,

K R I V I S U

Što su i to:

1. Optuženi A. A.

Dana 02.06.2021.godine, u mjestu Putiš b.b., općina Busovača, u dvjema podrumskim prostorijama obiteljske kuće koju koristi, iako svjestan da je prodaja, prijenos i držanje droge radi prodaje zabranjeno, suprotno odredbi članka 4. i 17. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06,103/08 i 51/11), neovlašteno radi prodaje držao opojnu drogu Amfetamin , u količini od 6.334,537 kg., upakiranu i to u 1 (jednu) pvc smeđu kutiju sa natpisom „waltzcream“ u kojoj se nalazilo više pvc vrećica sa opojnom drogom i u crnoj pvc vrećici u kojoj se nalazila pvc prozirna vakumirana vrećica sa opojnom drogom stavljena u vojni ruksak zeleno sive boje i u 2 (dvije) bijele pvc kante sa crnim pvc

vrećicama koju drogu su prilikom izvršavanja usmene naredbe za pretres Općinskog suda Travnik br: 51 0 K 189486 21 Kpp od 02.06.2021.godine, pronašli i oduzeli policijski službenici MUP SBK, uz uredno izdatu potvrdu o privremenom oduzimanju predmeta,

Dana 23.12.2021. godine u mjestu Putiš b.b., općina Busovača u vikend kući vlasništvo A. A. koju koristi, iako svjestan da je prodaja, prijenos i držanje droge radi prodaje zabranjeno, suprotno odredbi članka 4. i 17. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06,103/08 i 51/11), neovlašteno radi prodaje držao opojnu drogu Amfetamin, koju opojnu drogu u količini od 4.739,79 kg. upakiranu u 5 (pet) pvc vrećica, su pronašli i oduzeli policijski službenici MUP SBK,

2. Optuženi O. Đ.

Dana 13.06.2021.godine, na području Starog Viteza, kao i TR „Zelenilo“ općina Vitez, suprotno članku 4. stavak 2. i 3. i članku 19. Zakona o sprečavanju i suzbijanju zloupotrebe opojnih droga, svjestan da je posjedovanje opojne droge zakonom zabranjeno, pa je neovlašteno posjedovao jednu ručno motanu cigaretu tzv. „Džoint“, sa sadržajem opojne droge Cannabis, neto mase 0,791 grama, koju opojnu drogu su tog dana prilikom pretresa kuće i okućnice koju koristi O. Đ. po osnovu usmene naredbe za pretres MUP SBK br:02/3-3-27/21 od 13.06.2021.godine, pronašli i oduzeli službenici MUP-a SBK Travnik, uz uredno izdatu potvrdu o privremenom oduzimanju predmeta.

3. Optuženi A. Z. i J. H.

U vremenskom periodu od januara do 23. decembra 2021. godine, na području općine Vitez i Busovača, iako svjesni da je prodaja, prijenos i držanje droge radi prodaje zabranjeno, suprotno odredbi članka 4. i 17. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06,103/08 i 51/11), neovlašteno radi prodaje držali i prodavali opojnu drogu Amfetamin drugim osobama u više navrata i to: A. Č., M. N., H. K., A. Č., A. B., B. B., K. B. i H. Đ., za novčane iznose od 10, 20, 30, 40, i 50,00 KM, da bi dana 23.12.2021. godine od A. Z. oduzeta bijela pvc vrećica, te u njoj plava prozirna pvc vrećica sa opojnom drogom Amfetamin, neto mase 83,682 grama, zatim žuta pvc vrećica s opojnom drogom Amfetamin, neto mase 2,004 grama i jedna smeđa kartica sa natpisom „Cash Card“ također sa tragovima opojne droge „Amfetamin“, koja opojna droga je oduzeta od optuženog A. Z., zajedno sa mobilnim telefonskim aparatima optuženih A. Z. i J. H. uz uredno izdate potvrde o privremenom oduzimanju predmeta.

4. Optuženi T. B.

Dana 23.12.2021. godine u mjestu Putiš b.b., općina Busovača, suprotno članku 4. stavak 2. i 3. i članku 19. Zakona o sprečavanju i suzbijanju zloupotrebe opojnih droga, svjestan da je posjedovanje opojne droge zakonom zabranjeno, pa je kod sebe neovlašteno posjedovao jedan crveno-prozirni pvc zamotuljak sa opojnom

drogom Amfetamin, neto mase 3,013 grama, koja opojna droga zajedno sa mobilnim telefonskim aparatom oduzeta uz izdata urednu potvrdu o privremenom oduzimanju predmeta,

čime su počinili kaznena djela i to:

Optuženi A. A. produženo kazneno djelo Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine, a sve u vezi sa člankom 55. istog zakona, optuženi O. Đ. kazneno djelo Posjedovanje i omogućavanje uživanja opojnih droga iz članka 239. stavak 3. Kaznenog zakona Federacije Bosne i Hercegovine, optuženi A. Z. i J. H. kazneno djelo Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine, a u vezi sa člankom 31. istog zakona i optuženi T. B. kazneno djelo Posjedovanje i omogućavanje uživanja opojnih droga iz članka 239. stavak 3. Kaznenog zakona Federacije Bosne i Hercegovine,

Pa ih sud na temelju istih zakonskih propisa i primjenom odredbi članka 42., 43., 49. stavak 1. Kaznenog zakona Federacije Bosne i Hercegovine kao i uz primjenu odredbe članka 300. Zakona o kaznenom postupku Federacije Bosne i Hercegovine

O S U Đ U J E

Optuženog A. A.

NA KAZNU ZATVORA U TRAJANJU OD 5 (PET) GODINA

u koju kaznu se uračunava vrijeme provedeno u pritvoru od 16.06.2021. godine od 16,45 sati do 16.07.2021. godine, te od 23.12.2021. godine od 20,50 sati do 23.04.2022. godine do 20,50 sati,

Optuženog O. Đ.

NA KAZNU ZATVORA U TRAJANJU OD 4 (ČETIRI) MJESECA

Optuženog A. Z.

NA KAZNU ZATVORA U TRAJANJU OD 1 (JEDNE) GODINE

u koju kaznu se uračunava vrijeme provedeno u pritvoru od 23.12.2021. godine od 16,00 sati do 23.03.2022. godine do 16,00 sati,

Optuženog T. B.

NA KAZNU ZATVORA U TRAJANJU OD 3 (TRI) MJESECA

u koju kaznu se uračunava vrijeme provedeno u pritvoru od 23.12.2021. godine od 18,10 sati do 23.03.2022. godine do 18,10 sati,

Optuženog J. H.

NA KAZNU ZATVORA U TRAJANJU OD 8 (OSAM) MJESECI

Na temelju odredbe članka 78. i 238. stavak 4. Kaznenog zakona Federacije Bosne i Hercegovine izriče se sigurnosna mjera oduzimanja predmeta i to od optuženog A. A. opojna droge Amfetamin u količini od 5.322,937 kg i količini od 4.736,9 grama preostalo nakon vještačenja, od optuženog A. Z. opojna droga Amfetamin u količini od 83,639 grama i 1,978 grama preostalo nakon vještačenja, te plastificirana kartica sa natpisom „Cash Card“ sa tragovima opojne droge Amfetamin, a koja opojna droga se nalazi deponirana u Kantonalnom sudu u Novom Travniku, te se naređuje "Komisiji za uništenje opojne droge" formirane pri vijeću Ministara BiH da odmah po prijemu naloga za izvršenje mjere sigurnosti, a najdalje u roku od mjesec dana od Kantonalnog suda u Novom Travniku – Služba za čuvanje materijalnih dokaza oduzme navedenu opojnu drogu preostalu nakon izvršenog vještačenja, te istu uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora.

Na temelju odredbe članka 78. i 239. stavak 4. Kaznenog zakona Federacije Bosne i Hercegovine izriče se sigurnosna mjera oduzimanja predmeta i to od optuženog O. Đ. opojna droga Cannabis u količini od 0,732 grama, preostala nakon vještačenja i od optuženog T. B. opojna droga Amfetamin u količini od 2,985 grama preostalo nakon vještačenja, a koja opojna droga se nalazi deponirana u Kantonalnom sudu u Novom Travniku, te se naređuje "Komisiji za uništenje opojne droge" formirane pri vijeću Ministara BiH da odmah po prijemu naloga za izvršenje mjere sigurnosti, a najdalje u roku od mjesec dana od Kantonalnog suda u Novom Travniku – Služba za čuvanje materijalnih dokaza oduzme navedenu opojnu drogu preostalu nakon izvršenog vještačenja, te istu uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora.

Na temelju odredbe članka 78. stavak 1. Kaznenog zakona Federacije Bosne i Hercegovine izriče se sigurnosna mjere oduzimanja predmeta optuženim i to od optuženog O. Đ. mobilni aparat „Samsung,“ plave boje, od optuženog A. Z. mobilni aparat „Samsung, model GT 1900“ crne boje i mobilni aparat „Samsung“, tamno plave boje, od optuženog T. B. mobilni aparat marke „Oukitel“ plave boje sa prozirnom maskom, od optuženog J. H. mobilni aparat marke „Huawei P40 Elite“, a koji telefoni se nalaze pohranjeni u prostorijama Kantonalnog suda u Novom Travniku.

Izrečenu zaštitnu mjeru izvršit će nadležni policijski organi MUP SBK/KSB, te se oduzete stvari po pravomoćnosti presude imaju uništiti.

Na temelju članka 412. stavak 1. Zakona o kaznenom postupku Federacije Bosne i Hercegovine izriče se mjera sigurnosti oduzimanja opojne droge Amfetamin u količini od 14,665 kg., preostala nakon vještačenja, prema zapisniku MUP Travnik broj:02/3-3-26/21 od 13.06.2021. godine i potvrdi o privremenom oduzimanju predmeta MUP Travnik broj: 02/3-3-79/21 od 13.06.2021. godine, a koja opojna droga se nalazi deponirana u Kantonalnom sudu u Novom Travniku, te se naređuje "Komisiji za uništenje opojne droge" formirane pri vijeću Ministara BiH da odmah po prijemu naloga za izvršenje mjere sigurnosti, a najdalje u roku od mjesec dana od Kantonalnog suda u Novom Travniku – Služba za čuvanje materijalnih dokaza oduzme navedenu opojnu drogu preostalu nakon izvršenog vještačenja, te istu uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora.

Na temelju članka 412. stavak 1. Zakona o kaznenom postupku Federacije Bosne i Hercegovine izriče se mjera sigurnosti oduzimanja predmeta i to vojna puščana municija (ostatak 53 metka) prema po potvrdi o privremenom oduzimanju predmeta MUP SBK broj: 02/3-3-148/21 od 23.12.2021.godine.

Izrečenu zaštitnu mjeru izvršit će nadležni policijski organi MUP SBK/KSB, te se oduzete stvari po pravomoćnosti presude imaju uništiti.

Na temelju članka 202. stavak 1. Zakona o kaznenom postupku Federacije BiH optuženi A. A., A. Z., T. B. i J. H. se obvezuju da na ime sudskog paušala naknade iznos od po 200,00 KM, a optuženi O. Đ. u iznosu od 400,00 KM, te na ime zastupanja branitelja po službenoj dužnosti optuženih A. A., O. Đ., A. Z., T. B. i J. H., čiju visinu će sud utvrditi posebnim rješenjem, sve u roku od 30 (trideset) dana od dana pravomoćnosti presude.

II

Optuženi:

1. J. I., zv.“J“, sin E. , i majke S. rođ. A., rođen ... u Zenici, nastanjen na adresi S., općina Zenica, pismen, završio SSS- saobraćajna škola, po zanimanju vozač motornih vozila, oženjen, otac troje djece, srednjeg imovnog stanja, , vodi se u vojnoj evidenciji Zenica, nije odlikovan, Bošnjak, državljanin BiH, JMBG: ..., osuđivan,
2. A. A., sa podacima kao u točki I izreke presude
3. O. Đ. zv.“P., P“ sa podacima kao u točki I izreke presude
4. A. Z., zv.“Z“, sa podacima kao u točki I izreke presude
5. T. B., zv.“Ž “, s sa podacima kao u točki I izreke presude
6. J. H., s sa podacima kao u točki I izreke presude

Na temelju odredbe članka 299. stavak 1. točka c). Zakona o kaznenom postupku Federacije Bosne i Hercegovine

OSLOBAĐAJU SE OD OPTUŽBE

Da su:

U vremenskom periodu od januara mjeseca pa sve do dana 23.12.2021.godine, na području Srednjobosanskog kantona, općine Vitez i Busovača i Zeničko-Dobojskog kantona, J. I., iako svjestan da je organiziranje grupe ljudi za izvršenje kaznenih djela zabranjeno i htio to, pa je tako organizirao grupu ljudi u smislu odredbe člana 2. stav 19. Kaznenog zakona F BiH u cilju počinjenja kaznenog djela Neovlaštena proizvodnja i stavljanje u promet opojnih droga iz članka 238 stavak 1. Kaznenog zakona Federacije Bosne i Hercegovine kojoj grupi su pristupili A. A. , O. Đ., A. Z., T. B., J. H. i druge NN osobe, a zatim iako svjesni da je organiziranje i učestvovanje u organizaciji za vršenje kaznenih djela zabranjeno te da je zabranjena prodaja, prijenos i držanje radi prodaje opojne droge, svi zajedno i dogovoreno učestvovali u izvršenju kaznenog djela Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine, na način što su, svjesni da djeluju u sastavu grupe, prilikom prijenosa radi prodaje veće količine opojne droge Amfetamin koja je Zakonom o sprečavanju i suzbijanju zloupotrebe opojnih droga (Službeni glasnik BiH broj 8/06,103/08 i 51/11) proglašena opojnom drogom, kroz područje Srednjobosanskog kantona po nalogu J. I. preradili veću količinu opojne droge tako što su na nepoznatoj lokaciji u mjestu Stari Vitez, općina Vitez, J. I., A. A. i O. Đ. sa drugim NN osobama zajedno i po prethodnom dogovoru miješali opojnu drogu Amfetamin sa drugim supstancama kako bi dobili veću količinu, a potom pakirali ih u najlonska pakovanja od oko 1 kg, nakon čega su nepoznate osobe odvezle određenu količinu opojne droge Amfetamin na nepoznatu lokaciju, a drugi dio opojne droge Amfetamin od oko 25 kg i određenu količinu opojne droge Cannabis radi dalje prodaje i distribucije držali na području općine Vitez i Busovača,

Čime da bi počinili kazneno djelo Neovlaštena proizvodnja i stavljanje u promet opojnih droga iz članka 238. stavak 2. Kaznenog zakona Federacije Bosne i Hercegovine, a sve u vezi sa člankom 31. i 54. Kaznenog zakona Federacije Bosne i Hercegovine.

III

Na temelju odredbe članka 299. stavak 1. točka c). Zakona o kaznenom postupku Federacije Bosne i Hercegovine

OSLOBAĐAJU SE OD OPTUŽBE

Optuženi:

J. I., sa podacima kao u točki II izreke presude

Da je:

Dana 13.06.2021.godine, u mjestu Očice, općina Vitez, iako svjestan da je prodaja, prijenos i držanje droge radi prodaje zabranjeno suprotno odredbi čl. 4. i 17. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06,103/08 i 51/11) neovlašteno radi prodaje držao opojnu drogu Amfetamin , u količini od 14,665 kg. koja se nalazila u šahu za vodu koji se nalazi neposredno uz kuću i koja je bila upakirana u 15 pvc prozirnih vakumiranih vrećica, a zatim sve u crnu pvc vreću, koju opojnu drogu su tog dana prilikom pretresa kuće i okućnice koju koristi J. I., po osnovu usmene naredbe za pretres MUP SBK br:02/3-3-26/21 od 13.06.2021.godine, pronašli i oduzeli službenici MUP-a SBK Travnik, uz uredno izdatu potvrdu o privremenom oduzimanju predmeta.

Čime da bi počinio kazneno djelo Neovlaštena proizvodnja i stavljanje u promet opojnih droga iz članka 238. stavak 1. Kaznenog zakona Federacije Bosne i Hercegovine,

Optuženi:

A. A., sa podacima kao u točki I izreke presude i

T. B., sa podacima u spisu kao u točki I izreke presude

Da su:

U vremenskom periodu od januara do 23. decembra 2021. godine, na području općine Vitez i Busovača, iako svjesni da je prodaja, prijenos i držanje droge radi prodaje zabranjeno, suprotno odredbi čl. 4. i 17. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06,103/08 i 51/11), neovlašteno radi prodaje držali i prodavali opojnu drogu Amfetamin drugim osobama u više navrata i to: A. Č., M. N., H. K., A. Č., A. B., B. B., K. B. i H. Đ., za novčane iznose od 10, 20, 30, 40, i 50,00 KM.

Čime da bi počinili kazneno djelo Neovlaštena proizvodnja i stavljanje u promet opojnih droga“ iz članka 238. stavak 1. Kaznenog zakona Federacije Bosne i Hercegovine,

Optuženi:

J. H., sa podacima kao u točki I izreke presude

Da je:

u periodu do 23. decembra 2021. godine, u obiteljskoj kući u mjestu Kruščica br...., općina Vitez neovlašteno držao municiju call 7,9 mm u količini od 103 komada municije, čija nabavka građanima uopće nije dozvoljena, iako je bio svjestan da držanje takve vrste municije građanima na području F BiH uopće nije dozvoljena i

htio to, a koja municija je kod njega pronađena od strane službenika MUP-a SBK/KSB Travnik prilikom postupanja po usmenoj naredbi za pretres MUP SBK br.02/3-3-48/21 od 23.12.2021.godine,

Čime da bi počinio kazneno djelo Nedoovoljeno držanje oružja i eksplozivnih materija iz članka 371. stavak 1. Kaznenog zakona Federacije Bosne i Hercegovine.

Na temelju članka 203. stav 1. Zakona o kaznenom postupku Federacije Bosne i Hercegovine troškovi kaznenog postupka iz članka 199. stavak 2. točke od a) do f) istog zakona, kao i nužni izdaci optuženog J. I. i nužni izdaci i nagrada branitelja optuženog J. I., padaju na teret proračunskih sredstava suda.

U skladu sa odredbom članka 301. stavak 2. Zakona o kaznenom postupku Federacije BiH predsjednica vijeća je ukratko izložila odluku.

Zapisničar
Slađana Dujo

Predsjednica vijeća
Vesna Vujica